



Teitl y Swydd: Pennaeth Gwersyll yr Urdd Caerdydd

Math o gontract: Swydd barhaol, llawn amser (35 awr yr wythnos)

Graddfa: Graddfa 10: £36,617 (Pwynt 1) - £42,449 (Pwynt 6)

Lleoliad: Gwersyll yr Urdd Caerdydd, Bae Caerdydd

Amdanom ni

Mae'r Urdd yn fudiad sy'n parhau i dyfu ac arloesi, ac yn un o'r cyflogwyr mwyaf sy'n gweithredu trwy'r Gymraeg. Fe sefydlwyd yn 1922, ac erbyn heddiw cyflogir dros 300 o staff, bron 55,000 o aelodau, 10,000 o wirfoddolwyr a throsiant o £10m. Byddwn yn dathlu ein pen-blwydd yn 100 yn 2022 gan weithio gydag ein haelodau a'n gwirfoddolwyr ynghyd ag amryw o bartneriaid sy'n cynnwys Llywodraeth Cymru, S4C, BBC, Undeb Rygbi Cymru, Cymdeithas Pêl-droed Cymru, Canolfan Mileniwm Cymru, Stonewall Cymru, Chwaraeon Cymru, Ysgolion a Cholegau Cymru.

Y Swydd

Agorwyd Gwersyll Caerdydd ym mis Tachwedd 2004. Daw 8000 o wersyllwyr i'r gwersyll yn flynyddol ac mae trosiant blyneddol y Gwersyll oddeutu £1M. Mae'n cynnwys llety i 150, theatr i 150, lolfaf i 100, 2 ystafell ddosbarth a swyddfeydd i staff yr Urdd. Mae'r Gwersyll yn un o'r partneriaid yng Nghanolfan Mileniwm Cymru, ar y cyd â Chwmni Opera Cymru, Diversions, Academi, Tŷ Cerdd, Cwmni Hijinx a'r Ymddiriedolaeth 'Touch'.

Mae'r ymwelwyr sy'n dod i'r gwersyll yn manteisio ar y llu o atyniadau sydd i'w gynnig yng Nghaerdydd a'r cyffiniau. Mae Gwersyll yr Urdd Caerdydd yn cynnig profiad Dinesig i'n preswylwyr.

Rydym yn chwilio am Bennafeth i'r Gwersyll a fydd yn gallu arwain y tîm o staff yn effeithiol ynghyd â chreu cysylltiadau gyda phartneriaethau er mwyn cyrraedd cynulleidfaoedd newydd. Rydym yn chwilio am unigolyn sydd â gweledigaeth o ddatblygu gwersyll i fod yn brif leoliad lletya i blant a phobl ifanc Cymru a thu hwnt wrth iddynt ymweld â Chaerdydd, Prif Ddinas Cymru.

Am fwy o fanylion cysylltwch â Siân Lewis (Prif Weithredwr) ar 02920 635689 neu sianlewis@urdd.org

Anfonwch Ffurflen Gais yr Urdd dros e-bost at swyddi@urdd.org

Dyddiad Cau – 12:00 ar y 17/08/2018

Dyddiad Cyfweld – 04/09/2018

DISGRIFIAD SWYDD			
Teitl y swydd:	Pennaeth Gwersyll yr Urdd Caerdydd	Lleoliad:	Gwersyll yr Urdd, Bae Caerdydd
Adran:	Gwersyll Caerdydd	Rheolaeth Llinell:	Tîm gweinyddol a gweithredol Gwersyll Caerdydd
Yn adrodd i :	Prif Weithredwr yr Urdd	Graddfa:	10 - £36,617 (Pwynt 1) hyd £42,449 (Pwynt 6)

Prif bwrpas y swydd:

Rydym yn chwilio am Bennaeth i'r Gwersyll a fydd yn gallu arwain y tîm o staff yn effeithiol ynghyd â chreu cysylltiadau gyda phartneriaethau er mwyn cyrraedd cynulleidfaoedd newydd. Rydym yn chwilio am unigolyn sydd â gweledigaeth o ddatblygu gwersyll i fod yn brif leoliad lletya i blant a phobl ifanc Cymru a thu hwnt wrth iddynt ymweld â Chaerdydd, Prif Ddinas Cymru.

Prif ddyletswyddau a chyfrifoldebau:

1. Rheoli ac arwain tîm o staff llawn amser, rhan amser ac achlysurol, gan gymell, hyfforddi ac annog perfformiad da gan yr holl staff. Ar hyn o bryd, cyflogir 4 staff llawn amser, a nifer o wylwyr nos ar gytundebau achlysurol.
2. Bod yn gyfrifol am elfennau busnes y Gwersyll. Sicrhau bod y targedau ariannol a niferoedd gwersyllwyr a gytunwyd yn cael eu cyrraedd. Gosod a chadw at gyllidebau i'r Gwersyll gan sicrhau monitro cyson ar y cyd â'r Cyfarwyddwr Cyllid.
3. Cyfrifoldeb dros chwilio am ffynonellau ariannol amrywiol er mwyn gallu datblygu'r gwersyll, ynghyd â sicrhau incwm digonol i'r gwersyll trwy gydol y flwyddyn.
4. Y gallu i annog staff i ddatblygu cyrsiau newydd sy'n ymateb i anghenion cwsmeriaid ynghyd â marchnata'r gwersyll yn briodol ac effeithiol.
5. Sicrhau fod holl bolisiau a gweithdrefnau'r gwersyll yn addas.
6. Cydlynu ac arwain at drafodaethau cyson y tîm gan sicrhau datblygiad a llwyddiant i'r gwersyll.
7. Paratoi adroddiadau a bod yn barod i wneud cyflwyniadau i Fwrdd Cyfarwyddwyr yr Urdd.
8. Cyfrannu at Bwyllgorau'r Gwersylloedd sy'n cyfarfod yn dymhorol, gan rannu a derbyn arfer da.
9. Cynrychioli'r Urdd o fewn Canolfan Mileniwm Cymru a chyd-weithio gyda'r partneriaid o fewn y Ganolfan, a chynrychioli buddiannau'r Gwersyll ar gyrff a phwyllgorau allanol.
10. Cyfrifoldeb am les a diogelwch yr holl ymwelwyr sy'n preswyllo yn y gwersyll ynghyd â'r staff. Cyfrannu fel aelod o bwyllgor mewnol lechyd a Diogelwch yr Urdd.
11. Sicrhau gweithredu'n effeithiol yn ymwneud â Gofal Cwsmer y gwersyll.
12. Gan gydlynu gyda'r tîm, llunio rhaglen hyfforddi i'r gwersyll ynghyd â chostau a manylion angenrheidiol.

Manyldeb y person a'r meini prawf: Cymwysterau, sgiliau a phrofiad

Hanfodol

1. Sgiliau a phrofiad rheoli staff gan gynnwys dirprwyo, monitro a gwerthuso perfformiadau a datblygiad unigolion.
2. Profiad o osod amcangyfrifon a rheoli cyllidebau mewn amgylchedd busnes.
3. Profiad o reoli adnoddau a negydu cytundebau masnachol.
4. Y gallu i greu partneriaethau gweithredol er budd y sefydliad.
5. Person ymroddgar llawn syniadau gyda'r gallu i arwain ac ysbrydoli.
6. Y gallu i weithio o dan bwysau ac i wneud penderfyniadau yn gyflym ac yn gywir. Bydd angen gallu ymwneud â sefyllfa o argyfwng yn bwyllog a gofalus, gan ddilyn y polisiau

cywir. Yr ymroddiad i weithio oriau hyblyg.

7. Profiad o ddeddfwriaeth berthnasol, e.e. deddfau lechyd a Diogelwch, rheolau personél, asesiadau risg.
8. Y gallu i gyfathrebu'n glir, yn effeithiol ac yn broffesiynol yn y Gymraeg a'r Saesneg a'r gallu i siarad yn gyhoeddus o flaen cynulleidfaoedd amrywiol.

Dymunol

9. Cymhwyster NEBOSH
10. Profiad o weithio mewn gwersyll / canolfan preswyl

Nodiadau i ymgeiswyr:

- *I ymgeisio, mae'n rhaid llenwi'r ffurflen gais yn llawn, gan roi enghreifftiau i gefnogi eich atebion. Mae'n rhaid i chi ddangos eich bod yn cwrdd â'r holl feini prawf hanfodol i gael eich cynnwys ar y rhestr fer.*
- *Ar ôl y dyddiad cau, ni fydd yr hysbyseb swydd hon ar gael ar ein Gwefan, felly cofiwch gadw copi ar gyfer eich cofnodion.*

Newidiadau i'r Disgrifiad Swydd:

Gall y disgrifiad swydd hwn newid neu gael ei ddiwygio ar unrhyw amser ar ôl ymgynghori â deiliad y swydd.

Hyblygrwydd:

Tynnir eich sylw at y ffaith fod dyletswyddau a chyfrifoldebau penodol mewn rhai achosion yn anodd eu dadansoddi yn fanwl a gallent newid o dro i dro heb newid cymeriad cyffredinol y dyletswyddau na lefel y cyfrifoldeb.

Yn ychwanegol, mae'n ofynnol i bob aelod o'r staff dderbyn elfennau o hyblygrwydd yn eu dyletswyddau a'u cyfrifoldebau, a phan fo angen, cyfnewid er mwyn cyfarfod anghenion a gofynion y gwasanaeth sy'n newid yn barhaus. Bydd angen o'r fath yn galluogi i arbenigedd penodol y deilydd dyfu a datblygu er lles y cyflogwr a'r gweithiwr.

Adolygiad:

Cyhoeddwyd y disgrifiad swydd yma ym mis Gorffennaf 2018 ac fe'i hadolygir yn gyson fel rhan o ddatblygiad yr unigolyn, ynghyd ag adolygiad perfformiad.

CRYNODEB O'R TELERAU AC AMODAU (ceir manylion lawn yn Llawlyfr Staff)

Teitl y swydd:	Pennaeth Gwersyll yr Urdd Caerdydd
Yn atebol i:	Prif Weithredwr yr Urdd
Cyflog:	Ar raddfa 10 Strwythur Cyflog yr Urdd £36,617 (Pwynt 1) hyd £42,449 (Pwynt 6). Penodir ar bwynt 1 oni bai fod profiad/cymwysterau arbennig yn denu un pwynt ychwanegol.
Cytundeb:	Parhaol.
Oriau gwaith:	35 awr yr wythnos. Oherwydd natur y Gwersyll, disgwylir i'r staff rheoli fod yn hyblyg o safbwynt oriau a weithir a'r dyletswyddau yr ymgwymerir â hwy. Oherwydd natur y swydd mae'n ofynnol i'r swyddog fod ar alwad gyda'r hwyr ar gyfartaledd yn ystod yr wythnos.
Lleoliad:	Gwersyll Caerdydd, Bae Caerdydd.
Gwyliau blynyddol:	Caniateir 25 niwrnod o wyliau blynyddol ac wyth niwrnod wyliau cyhoeddus - y cyfnodau i'w pennu mewn ymgynghoriad â'r Prif Weithredwr. Bydd y gwyliau'n cynyddu i 28 diwrnod ar ôl 5 mlynedd o wasanaeth ac yna i 33 diwrnod ar ôl 10 mlynedd o wasanaeth. Bydd angen neilltuo 3 diwrnod ar gyfer y cyfnod rhwng y Nadolig a'r flwyddyn newydd.
Cyfnod prawf:	Bydd cyfnod prawf o 6 mis.
Pensiwn:	Bydd cyfle i ymuno â chynllun pensiwn yr Urdd ar unwaith, neu mae'n bosibl byddwch yn cael eich cofrestru i gynllun 'Ymgofrestru Awtomatig'.
Gwiriad GDG:	Bydd yn ofynnol i'r ymgeisydd llwyddiannus gael ei wirio gan y Gwasanaeth Datgelu a Gwahardd (GDG).
Archwiliad meddygol:	Cedwir yr hawl i ofyn i'r sawl a benodir mynd o dan archwiliad meddygol cyn cynnig y swydd yn ffurfiol.
Yswiriant Bywyd:	Yn dilyn eich cyfnod cymhwyso byddwch yn medru ymuno â chynllun yswiriant bywyd yr Urdd sydd yn cynnig yswiriant cyfwerth â 3 gwaith eich cyflog blynyddol drwy gydol eich cyflogaeth gyda'r Urdd hyd at oed 70.